



**SAVEZ RAČUNOVOĐA, REVIZORA I FINANSIJSKIH RADNIKA FBiH
SAVEZ RAČUNOVOĐA, REVIZORA I FINANSIJSKIH DJELATNIKA FBiH**

KNEZA VIŠESLAVA bb, 88 000 Mostar, tel/fax: 036/318-660, 036/334-184
e-mail: info@srr-fbih.org
ISEVIĆA SOKAK 4, 71000 SARAJEVO
tel/fax: 033/572-650, 033/572-651, e-mail: sarajevo@srr-fbih.org
web: www.srr-fbih.org

**JAVNI POZIV KANDIDATIMA ZA DOSTAVLJANJE DOKUMENATA ZA
STJECANJE ZVANJA U RAČUNOVODSTVENOJ I REVIZIJSKOJ PROFESIJI
Ispitni rok (14.-18.11.2011.)**

Poštovani,

Obavještavamo vas da će se ispiti za stjecanje zvanja Certificirani računovodstveni tehničar, Certificirani računovođa i Ovlašteni revizor, u skladu s Odlukom o jedinstvenom programu za testiranje, održati u razdoblju od **14.-18.11.2011.godine**.

Kandidati trebaju pročitati sljedeće uslove za pristupanje ispitima i dostaviti predviđenu dokumentaciju do 1.10.2011. godine.

Kandidati koji se ne prijave za polaganje ispita u predviđenom roku neće moći pristupiti polaganju ispita.

Uslovi za stjecanje zvanja

1. certificirani računovodstveni tehničar (CRT)

- da ima četverogodišnju srednju školsku spremu;
- da prije polaganja kvalifikacijskog ispita ima dvije godine praktičnog rada na poslovima računovodstva, od čega najmanje jednu godinu na poslovima izrade finansijskog izvještaja, ili tri godine na poslovima vođenja poslovnih knjiga.

Osobe koje ispunjavaju ranije navedene uslove za pristupanje ispitu „certificirani računovodstveni tehničar“ trebaju dostaviti sljedeću dokumentaciju:

- o [prijavu za pristupanje ispitu br. 1](#) (dostupna na web stranici Saveza);
- o ovjerenu kopiju diplome o završenoj četverogodišnjoj ekonomskoj ili nekoj drugoj srednjoj školi i
- o uvjerenje poslodavca/poslodavaca o dvije godine praktičnog rada na poslovima računovodstva, od čega najmanje jednu godinu na poslovima izrade finansijskog izvještaja, ili tri godine na poslovima vođenja poslovnih knjiga.

Navedeni kandidati prijavljuju i polažu sljedeće predmete:

- o **Uvod u finansijsko računovodstvo;**
- o **Troškovno računovodstvo i upravljačko računovodstvo;**
- o **Upravljanje i komunikacije i**
- o **Informacijska tehnologija i primjene.**

2. certificirani računovođa (CR)

1. imaju završen prvi ciklus dodiplomskog studija Ekonomskog fakulteta (u trogodišnjem ili četverogodišnjem trajanju);
2. imaju završenu višu školu ili neki drugi fakultet neekonomskog usmjerenja;
3. ako osoba ima završen prvi ciklus dodiplomskog studija Ekonomskog fakulteta tada treba da ima najmanje dvije godine praktičkog rada na poslovima vođenja poslovnih knjiga, od čega najmanje jednu godinu na sastavljanju finansijskih izvještaja;
4. ako osoba ima završenu višu školu ili neki drugi fakultet neekonomskog usmjerenja tada treba da ima najmanje četiri godine praktičnog rada na poslovima vođenja poslovnih knjiga, od čega najmanje dvije godine na sastavljanju finansijskih izvještaja.

Osobe koja ispunjavaju ranije navedene uslove za pristupanje ispitu „certificirani računovođa“ trebaju dostaviti sljedeću dokumentaciju:

1. prijavu za pristupanje ispitu br.2. za osobe koje su završile četverogodišnji ekonomski fakultet (dostupna na web stranici Saveza);

- ovjerenu kopiju diplome o završenom četverogodišnjem ekonomskom fakultetu;
- uvjerenje poslodavca/poslodavaca o najmanje dvije godine praktičkog rada na poslovima vođenja poslovnih knjiga, od čega najmanje jednu godinu na sastavljanju finansijskih izvještaja.

Navedeni kandidati prijavljuju i polažu sljedeće ispite:

- **ISPIT 1. Finansijsko izvještavanje i revizija** sastoji se od dva predmeta (Finansijsko izvještavanje 2 i Revizija i sistemi interne kontrole);
- **ISPIT 2. Finansijski menadžment i kontrola** sastoji se od dva predmeta (Finansijski menadžment i Primjena upravljačkog računovodstva).

2. prijavu za pristupanje ispitu br.2a. za osobe koja su završile trogodišnji ekonomski fakultet (dostupna na web stranici Saveza);

- ovjerenu kopiju diplome o završenom trogodišnjem ekonomskom fakultetu;
- uvjerenje poslodavca/poslodavaca o najmanje dvije godine praktičkog rada na poslovima vođenja poslovnih knjiga, od čega najmanje jednu godinu na sastavljanju finansijskih izvještaja.

Navedeni kandidati prijavljuju i polažu sljedeće predmete:

- **Primjena upravljačkog računovodstva;**
- **Finansijsko izvještavanje 2;**
- **Revizija i sistemi interne kontrole i**
- **Primjena finansijskog menadžmenta.**

3. prijavu za pristupanje ispitu br.3. za osobe koje imaju završenu višu školu i ostale fakultete (dostupna na web stranici Saveza);

- o ovjerenu kopiju diplome o završenoj višoj školi ili nekom drugom četverogodišnjem fakultetu;
- o uvjerenje poslodavca/poslodavaca o najmanje četiri godine praktičnog rada na poslovima vođenja poslovnih knjiga, od čega najmanje dvije godine na sastavljanju finansijskih izvještaja.

Navedeni kandidati prijavljuju i polažu sljedeće predmete:

- o **Poslovno pravo i porezi;**
- o **Primjena upravljačkog računovodstva;**
- o **Finansijsko izvještavanje 2;**
- o **Revizija i sistemi interne kontrole i**
- o **Primjena finansijskog menadžmenta.**

3.ovlašteni revizor (OR)

3.1. Ovlašteni revizor je stručna osoba koja ima završen prvi ciklus dodiplomskog studijskog programa (u trogodišnjem ili četverogodišnjem trajanju) i zvanje certificiranog računovođe s najmanje tri godine radnog iskustva u ovom zvanju.

Osobe koje ispunjavaju ranije navedene uslove za pristupanje ispitu „ovlašteni revizor“ trebaju dostaviti sljedeću dokumentaciju:

- o **prijavu za pristupanje ispitu br. 4 (dostupna na web stranici Saveza);**
- o ovjerenu kopiju diplome o završenom prvom ciklusu dodiplomskog studija (trogodišnji ili četverogodišnji);
- o ovjerenu kopiju certifikata „certificirani računovođa“ i
- o uvjerenje poslodavca/poslodavaca o najmanje trogodišnjem radnom iskustvu u zvanju „certificirani računovođa

3.2. Osobe koje su stekle zvanje Certificiranog računovođe te imaju završen prvi ciklus dodiplomskog studijskog programa (u trogodišnjem ili četverogodišnjem trajanju), a nemaju tri godine radnog iskustva u tom zvanju mogu pristupiti polaganju ispita za zvanje Ovlašteni revizor ali mu entitetski Savezi nakon položenih ispita neće izdati certifikat ovlaštenog revizora dok kandidati ne steknu trogodišnje radno iskustvo u zvanju certificiranog računovođe i dok ne dostave dokaz o istom.

Radno iskustvo se dokazuje kopijom radne knjižice i potvrdom poslodavaca da su kandidati obavljali poslove u skladu sa podtačkom 4-2) Odluke o vrstama profesionalnih-stručnih zvanja na temelju implementacije MOS-ova („Službeni glasnik BiH“, br:81/06).

Osobe koje ispunjavaju ranije navedene uslove za pristupanje ispitu „ovlašteni revizor“ trebaju dostaviti sljedeću dokumentaciju:

- [prijavu za pristupanje ispitu br. 4a](#) (dostupna na web stranici Saveza);
- ovjerenu kopiju diplome o završenom prvom ciklusu dodiplomskog studija (trogodišnji ili četverogodišnji);
- ovjerenu kopiju certifikata „certificirani računovođa“

Navedeni kandidati pod 3.1. i 3.2. prijavljuju i polažu sljedeće predmete:

- **Napredno upravljačko računovodstvo;**
- **Revizija upravljanja i ispitivanja;**
- **Napredno finansijsko izvještavanje;**
- **Napredni finansijski menadžment i**
- **Strategijski menadžment.**

Kompletna dokumentacija **s naznakom koje se zvanje polaže** treba biti dostavljena putem pošte najkasnije do 1.10.2011. na sljedeću adresu ako je mjesto polaganja Mostar

SAVEZ RAČUNOVOĐA, REVIZORA I FINANSIJSKIH RADNIKA FEDERACIJE BiH
Kneza Višeslava bb PP 132
88 000 MOSTAR

ili ako je mjesto polaganja Sarajevo

SAVEZ RAČUNOVOĐA, REVIZORA I FINANSIJSKIH RADNIKA FEDERACIJE BiH
Isevića sokak 4.
71000 Sarajevo

Po utvrđenju ispravnosti dostavljene dokumentacije uplate za ispite će se vršiti od 3. do 31. 10. 2011. godine na transakcijski račun Saveza 3381002202148245 Unicredit Bank d.d. Mostar.

Mostar, 29.8.2011. godine